

mus atmosphæram Æstus tempore decies aut duodecies millies altior fieri. Huc omnia Phænomena conspirant, quæ probarent fluxum & refluxum in aere eodem prorsus modo fieri, ac in aqua. Constans est observatio status Cœli maximè ventosos incidere in Æquinoctium vernum, aut autumnale. Notum etiam est, pacatum alioquin aerem Ventorum vi plus minus agitari, plerumque meridie, aut media nocte. Idem pariter contingere liquet, cum intumescit maximè maris æstus; hoc est Luna summum Cœli Verticem, aut huic oppositum locum tenente. Novam denique plenamque Lunam Cœli tempestates plerumque, Ventis coortis commutare, ne-